



萬首唐人絕句卷第四十五

七言一百首

移石盆

陸龜蒙

移得龍泓瀲灩寒月輪初下白雲端無人盡日澄心
坐倒影新篁一兩竿

自遣詩二十二首

五年重別舊山村樹有交柯犢有孫更感下峰顏色
好晚雲纔散便當門

雪下孤村浙浙鳴病魂無睡灑來清心搖祗待東窗
曉長媿寒雞第一聲

甫里先生未白頭酒旗猶可戰高樓長鯨好鱸無因
得乞取舡艍作釣舟

花瀨濛濛紫氣昏水邊山曲更容村終須揀取幽棲
地老桂成雙便作門

長歎人間髮易華暗將心事許煙霞病來前約分明
在藥鼎書囊便是家

醞得秋泉似玉容比於雲液更應濃思量北海徐劉
輩枉向人間號酒龍

偶然携稚看微波臨水春寒一倍多便使筆精如逸
少懶能書字換羣鵝

數尺游絲隨碧空年年長是惹東風爭知天上無人
住亦有春愁鶴髮翁

往古天高事渺茫爭知靈媛不淒涼月娥如有相思
淚祇待方諸寄兩行

本來雲外寄閒身遂與溪雲作主人一夜逆風愁四
散曉來零落傍衣巾

淵明不待公田熟乘興先秋解印歸我為餘糧春未
去到頭誰是復誰非

雲擁根株抱石危斲來文似瘦蛟螭幽人帶病愁朝
起祇向春山盡日歌

月澹花閒夜已深宋家微詠若遺音重思萬古無人
賞露濕清香獨滿襟

南岸春田手自農往來橫絕半江風有時不耐輕橈
興暫欲蓬山訪洛公

賢達垂竿小隱中我來真作捕魚翁前溪一夜春流
急已學嚴灘下釣筒

水國君王又姓蕭風情由是冠前朝靈和殿下巴江
柳十二樓前等翠條

強梳蓬鬢整斜冠片燭光微夜思闌天意最饒惆悵
事單棲分付與春寒

無多藥圃近南榮合有春苗次第生稚子不知名品
上恐隨春草鬪輸贏

一派溪隨若下流春來無處不汀洲漪瀾未碧蒲猶
短不見鴛鴦正自由

山下花明水上曛一撓青翰破霞文越人但愛風流
客繡被何須屬鄂君

妍華須是占時生准擬差肩不近情佳麗幾時腰不
細荆王辛苦致宮名

羊俚多應自古豪解盤金稍置纖腰縱然此事教雙
得不博溪田二頃苗

石竹花

曾看南朝畫國娃古羅衣上碎明霞而今莫共金錢
鬪買却春風是此花

閒吟

閒吟料得三更盡始把孤燈背竹窻一夜西風高浪
起不教歸夢過寒江

北渡

江客柴門枕浪花鳴機寒櫓任謳鴉輕舟過去真堪
畫鷺起鷓鴣一陣斜

夜泊詠樓鴻

可憐霜月暫相依莫向衡陽起遂飛同是江天寒夜
客羽毛單薄稻梁微

早行

冰寒孤棹觸天文直是乘槎去問津縱使碧虛無限
好客星名字也愁人

景陽宮井

古堞煙埋宮井樹陳主吳姬墮泉處舜沒蒼梧語萬里
雲却不聞將二妃去

江南二首

便風船尾香杭熟細雨鬣頭赤鯉跳待得江殮閒望

足日斜方動木蘭橈
村邊紫豆花垂次岸上紅梨葉戰初莫怪煙中重回
首酒家青紵一行書

溪思雨中

雨映前山萬句絲櫓聲衝碎似鳴機無端織得愁成
段堪作騷人酒病衣

江城夜泊

漏移寒箭丁丁急月掛虛弓藹藹明此夜離魂堪射
斷更煩江笛兩三聲

宮人斜

草著愁煙似不春晚鶯哀怨問行人須知一種埋香
骨猶勝昭君作虜塵

送棊客

滿目山川似勢棊況當秋鴈正斜飛金門若召羊玄
保賭取江東太守歸

漢宮詞

招靈閣上霓旌絕梁柏臺中珠翠稠一身三十六宮
夜露滴玉盤青桂秋

上清

玉林風露寂寥清仙妃對月閒吹笙新篁冷澀曲未

盡細拂雲枝棲鳳驚

秋荷

蒲茸承露有佳色
芙蓉束煙如効嘖
盈盈一水不得
渡冷翠遺香愁向人

有別二首

且將絲紵繫蘭舟
醉下煙汀減去愁
江上有樓君莫
上落花流水正東流
池上已看鶯舌默
雲間應卽鴈翰開
唯愁別後當風
立萬樹將秋入恨來

病中曉思

月墮霜西竹井寒
轆轤絲凍下瓶難
幽人病久渾成
渴愁見龍書一鼎乾

送友人之湖上

故人溪上有漁舟
竿倚風蘋夜不收
欲寄一函聊問
訊洪喬寧作置書郵

寒日逢僧

瘦脰高寒梵屨輕
野塘風勁錫環鳴
如何不向深山
裏坐擁閒雲過一生

冬柳

柳汀斜對野人窻
零落衰條傍曉江
正是霜風飄斷

處寒鷗鷺起一雙雙

寄友人

敬亭寒夜溪聲裏同聽先生講太玄上得雲梯不回
首釣竿猶在五湖邊

島樹

波濤漱苦盤根淺風雨飄多著葉遲迴出孤煙殘照
裏鷺鷥相對立高枝

頭陀僧

萬峰圍繞一峰深向此長脩苦行心自掃雪中歸鹿
跡天明恐被獵人尋

晚渡

半波飛雨半波晴漁曲飄秋野調清各樣蓮船逗村
去笠簷蓑袂有殘聲

贈老僧二首

枯貌自同霜裏木餘生唯指佛前燈少時寫得坐禪
影今見問人何處僧

自有家山供衲線不離溪曲取菴茆舊曾聞說林中
鳥定後長來頂上巢

憶山泉

一夜寒聲來夢裏平明著屐到聲邊心期盛夏重過

此脫却荷衣石上眠

白芙蓉

澹然相對却成勞
月染風裁箇箇高
似說玉皇親謫
墮至今猶著水霜袍

嚴光釣臺

片帆竿外揖清風
石立雲孤萬古中
不是狂奴爲故
態仲華爭得黑頭公

讀陳拾遺集

蓬顆何時與恨平
蜀江衣帶蜀山輕
尋聞騎士臬黃
祖自是無人祭禰衡

吳宮懷古

香徑長洲盡棘叢
奢雲艷雨祗悲風
吳王事事須亡
國未必西施勝六宮

方響

擊霜寒玉亂丁丁
花底秋風拂坐生
王母閒看漢天
子滿猗蘭殿珮環聲

閨怨

白袷行人又遠遊
日斜空上映花樓
愁絲墮絮相逢
着絆惹春風卒未休

丁香

江上悠悠人不問十年雲外醉中身
殷勤解却丁香結從放繁枝散誕春

種蒲

杜若溪邊手自移旋抽煙劍碧參差
何時織得孤帆去懸向秋風訪所思

范蠡

平吳專越禍胎深豈是功成有去心
勾踐不知嫌鳥喙歸來猶自鑄良金

山僧二首

山蘚幾重生草履澗泉長自滿銅餅時將如意敲眠

虎遣向林間坐聽經

一夏不離蒼島上秋來頻話石城南
思歸瀑布聲前坐却把松枝拂舊菴

上雲樂

青絲作笮桂爲船白兔搗藥蝦蟇丸
便浮天漢泊星渚回首笑君承露盤

新秋雜題六首

眠

一簾臨窻薤葉秋小簾風蕩半離鈎
魂清雨急夢難到身在五湖波上頭

行

尋人直到月塢北
覓鶴便過雲峰西
只今猶有疎野
調但繞莓苔風雨畦

倚

橘下凝情香染巾
竹邊留思露搖身
背煙垂手盡日
立憶得山中無事人

吟

憶山搖膝石上晚懷古
棹頭溪畔涼有時得句一聲
發敬馬起鷺鷥和夕陽

食

日午空齋帶睡痕
水蔬山藥薦盤飧
林鳥信我無機
事長到而今下石盆

坐

偶避蟬聲來隙地
忽隨鴻影入遼天
閒僧不會寂寥
意道學西方人坐禪

新沙

渤澥聲中漲小堤
官家知後海鷗知
蓬萊有路教人
到應亦年年稅紫芝

鄴宮詞二首

魏武平生不好香
楓膠蕙炷潔宮房
可知遺令非前

事却有餘薰在繡囊
花飛蝶駭不愁人
水殿雲廊別置春
曉日靚裝千騎
女白櫻桃下紫綸巾

古別

仙人左手把長箭
欲射日烏烏
不棲何事離情畏
明發一心唯恨汝
南雞

高道士

峨眉道士風骨峻
手把玉皇書
一通東遊借得琴
高鯉騎入蓬萊清淺中

蔬食

孔融不要留殘膾
庾悅無端恡子鵝
香稻熟來秋菜
嫩伴僧飧了聽云何

寄遠

縹梨花謝鶯口喫
黃犢少年人未歸
畫扇紅弦相揜
映獨看斜月下簾衣

山中僧

手開一室翠微裏
日暮白雲棲半間
白雲朝出天際
去若比老僧雲未閒

洞宮秋夕

濃霜打葉落地聲
南溪石泉細泠泠
洞宮寂寞人不

寐坐見月生雲母屏

連昌宮詞二首

金鋪零落獸環空斜揜雙扉細草中日暮鳥歸宮樹
綠不聞鴉軋閉春風

宮門

草沒苔封疊翠斜墜紅千葉擁殘霞年年直爲秋霖
苦滴陷青珉隱起花

階

懷宛陵舊遊

陵陽佳地昔年遊謝朓青山李白樓唯有日斜溪上
思酒旗風影落春流

松石曉景圖

霜骨雲根慘澹秋宿煙封著未全收將歸與說文通
後寫得松江岸上秋

釣車

小輪輕線妙無雙曾伴幽人酒一缸
洛客見時如有問輾煙衝雨過桐江

漉酒巾

靜節高風不可攀此巾猶隊凍醪間
偏宜雪夜山中戴認取時情與醉顏

華陽巾

蓮花峰下得佳名雲褐相兼上鶴翎
須是古壇秋霽

後靜焚香炷禮寒星

送琴客之建康

蕙風杉露共泠泠三峽寒泉漱玉清君到南朝訪遺事柳家雙鎖舊知名

白鷺

雪然飛下立蒼苔應伴江鷗拒我來見欲扁舟搖蕩去倩君先作水雲媒

溪行

晚天寒雨上灘時他已揚舲我尚遲自是檣低帆幅少溪風終不兩般吹

太湖叟

細槳輕船買石歸酒痕狼藉徧苔衣攻車戰艦繁如織不肯回頭問是非

荅友人

荆卿雄骨化爲塵燕市應無共飲人能脫鷓鴣來換酒五湖賒與一年春

偶作

酒信巧爲縲病緒花音長作嫁愁媒也知愁病堪回避爭奈流鶯喚起來

春思二首

竹外麥煙愁漠漠短翅啼禽飛魄魄此時憶着千里
人獨坐支頤看花落

江南酒熟清明天高高綠旆當風懸誰家無事少年
子滿面落花猶醉眠

訪僧不遇

棹倚東林欲問禪遠公飛錫未應還蒙莊子弟相看
笑何事空門亦有關

謝山泉

泱泱春泉出洞霞石壘封寄野人家草堂盡日留僧
坐自向前溪摘茗芽

洞宮夕

月午山空桂花落華陽道士雲衣薄石壇香散步虛
聲杉露清冷滴棲鶴

峽客行

萬仞峰排千劔束孤舟夜繫峰頭宿蠻溪雪壤蜀江
傾灑瀕朝來大如屋

江邊

江邊日晚潮煙上樹裏鴉鴉枯棹響無因得似灌園
翁十畝春蔬一藜杖

春夕櫻桃園宴

佳人芳樹雜春蹊
花外煙濛月漸低
幾度艷歌清欲
轉流鶯驚起不成棲

松江早春

柳下江飡待好風
暫時還得狎漁翁
一生無事煙波
足唯有沙邊水勃公

萬首唐人絕句卷第四十五

萬首唐人絕句卷第四十六

七言一百首

開元雜題七首

陸龜蒙 五十二首

玉龍子

何代奇工碾玉英
細髣纖角盡雕成
煙乾霧悄君心
苦風雨長隨一擲聲

照夜白

雪蚪輕鞍步如飛
一練騰光透月旗
應笑穆王拋萬
乘踏風鞭露向瑤池

湯泉

煖殿流湯數十閒玉渠香細浪回環上皇初解雲衣
浴珠棹時敲瑟瑟山

舞馬

月窟龍孫四百蹄驕驤輕步應金鞞曲終似要君王
寵回望紅樓不敢嘶

雜伎

拜象馴犀角抵豪星九霜劍出花高六官爭近乘輿
望珠翠三千擁赭袍

雪衣女

嫩紅鉤曲雪花攢月殿棲時片影殘自說夜來春夢

惡學持金偈玉欄干

繡嶺宮

繡嶺花殘翠倚空碧窻瑤砌舊行宮閑乘小駟濃陰
下時舉金鞭半袖風

女墳湖

吳王葬
女之所

水平波淡遶回塘鶴殉人沉萬古傷應是離覓雙不
得至今沙上少鴛鴦

泰伯廟

故國城荒德未荒年年椒奠濕中堂邇來父子爭天
下不信人間有讓王

閑居雜題五首

鳴蜩早

閑來倚杖柴門口鳥下深枝啄晚蟲周步一池銷半
日十年聽此鬢如蓬

野態真

君如有意耽田里予亦無機向藝龍心跡所便唯是
直人閒聞道最先憎

松閒斟

子山園靜憐幽木公幹詞清詠華門月上風微蕭灑
甚斗醪何惜置盈樽

飲巖泉

已甘茅洞三君食欠買桐江一朵山巖子瀨高秋浪
白水禽飛盡釣舟還

當軒鶴

自笑與人乖好尚田家山客共柴車干時未似棲廬
雀鳥道閑携相爾書

宿木蘭院

苦吟清漏迢迢極月過花西尚未眠猶憶故山歌敬
枕夜來嗚咽似流泉

胥門閑泛

唐詩卷四十一
三
細粲輕樺下白蘋故城花謝綠陰新豈知今日逃名
士試問南塘著屨人

薔薇

穠華自古不得久況是倚春春已空更被夜來風雨
惡滿階狼藉沒多紅

春夕酒醒

幾年無事傍江湖醉倒黃公舊酒壚覺夜不知新月
上滿身花影倩人扶

重臺蓮花

水國煙鄉足芰荷就中芳瑞比難過風情為與吳王
近紅萼常教一倍多

浮萍

曉來風約半池明重疊侵沙綠麩成不用臨池重相
笑最無根蒂是浮名

白蓮

素蘂多蒙別艷欺此花真合在瑤池還應有恨無人
覺月曉風清欲墮時

後池

曉煙清露暗相和浴鴈浮鷗意緒多却是陳王詞賦
錯枉將心事託微波

初植松桂

軒陰冉冉移斜日寒韻泠泠入晚風煙格月姿曾不改至今猶似在山中

館娃宮懷古五首

三千雖衣水犀珠半夜夫差國暗屠猶有八人皆二八獨教西子占亡吳

一宮花渚漾漣漪倭墮鴉鬟出顰眉可料坐中歌舞袖便將殘節拂降旗

幾多雲榭倚青冥越焰燒來一片平此地最應沾恨血至今春草不勻生

江色分明練遶臺戰帆遙隔綺䟽開波神自厭荒淫主勾踐樓船穩貼來

寶袜香綦碎曉塵亂兵誰惜似花人伯勞應是精靈使猶向殘陽泣暮春

和寄韋校書

萬古風煙滿故都清才搜括妙無餘可中寄與芸香客便是江南地里書

初冬偶作

桐下空階疊綠錢貂裘初綻擁高眠小爐低幌還遮掩酒滴灰香似去年

虎丘寺西小溪閑泛三首

樹號相思枝拂地鳥語提壺聲滿溪雲涯一里千萬
曲直是漁翁行也迷

荒柳卧波渾似困宿雲遮塢未全癡雲情柳意蕭蕭
會若問諸餘揔不知

每逢孤嶼一倚楫便欲狂歌同采薇任是煙蘿中待
月不妨歌枕扣船歸

釣侶二首

一艇輕撐看晚濤接籬拋下漉春醪相逢便倚蒹葭
泊更唱菱歌擘蟹螯

雨後沙虛古岸崩魚梁移入亂雲層歸時月墮汀洲
暗認得妻兒結網燈

酬醉中寄酒二首

酒痕衣上雜莓苔猶憶紅螺一兩盃正被遶籬荒菊
笑日斜還有白衣來

嗒下飢禽啄嫩苔野人方倒病中盃寒蔬賣却還沽
喫可有金貂換得來

臯橋

橫絕春流架斷虹凭欄猶思五噫風今來未必非梁
孟却是無人繼伯通

不居經卷四
六
荅遺青餽飯

舊聞香積金仙食今見青精玉斧滄自笑鏡中無骨
錄可能飛上紫雲端

酒病

柳踈桐下晚窻明祇有微風爲析醒唯欠白綃籠解
散王儉
髻名洛生閑詠兩三聲

寒夜訪襲美

醉韻飄飄不可親掉頭吟側華陽巾如能跂脚東窻
下便是羲皇世上人

玩金鷄鵝

曾向溪邊泊暮雲至今猶憶浪花群不知鏤羽凝香
霧堪與鴛鴦覺後聞

寒夜文燕張潤卿不至

細雨輕觴玉漏終上清詞句落吟中松齋一夜懷貞
白霜外空聞五粒風

齊梁怨別

寥寥缺月看將落簷外霜華染羅幕不知蘭棹到何
山應倚相思樹邊泊

藥名離合夏日即事

乘屐著來幽砌滑石甕煎得遠泉甘草堂祇待新秋

景天色微涼酒半酣

懷錫山藥名離合二首

鶴伴前溪栽白杏人來陰洞寫枯松
蘿深境靜日欲落石上未眠聞遠鍾

佳句成來誰不伏神丹偷去亦須防
風前莫怪携詩藁本是吳吟湯藥郎

和懷鹿門縣名離合二首

雲容覆枕無非白水色侵磯直是藍
田種紫芝食可壽春來何事戀江南

竹溪深處猿同宿松閣秋來客共登
封逕古苔侵石

鹿城中誰解訪山僧

天台國清寺

峯帶樓臺天外立明河色近翠
嵐濕松閒石上定僧寒半夜猶溪水聲急

簾

枕映踈容晚尚歌秋煙脉脉雨微微
逆風鄣燕尋常事不學人前尚妓衣

翠碧

紅襟翠翰兩參差徑拂煙華上細
枝春水漸生魚易得莫辭風雨坐多時

女墳湖

皮日休 四十八首

萬貴千奢已寂寥，可憐幽憤爲誰嬌。
須知韓重相思骨，直在芙蓉向下消。

宿木蘭院

木蘭院裏雙棲鶴，長被金鈿聒不眠。
今夜宿來還似爾，到明無計夢雲泉。

薔薇

濃似猩猩初染素，輕於燕燕欲凌空。
可憐細麗難勝日，照得深紅作淺紅。

春夕酒醒

四絃纔罷醉蠻奴，鄙醜餘香在翠爐。
夜半醒來紅蠟短，一枝寒淚作珊瑚。

胥門閑泛

青翰虛徐夏思清，愁煙漠漠荇花平。
醉來欲把田田葉，盡裹當時醒酒鯖。

重臺蓮花

歌紅矮媿力難任，每葉頭邊半米金。
可得教他水妃見，兩重元是一重心。

浮萍

嫩似金脂颺似煙，多情渾欲擁紅蓮。
明朝擬附南風

信寄與湘妃作翠鈿

白蓮

但恐醍醐難並潔，祇應簷簷可齊香。半垂金粉知何似，靜婉臨溪照額黃。

後池

細雨難珊眠，鷺覺鈿波悠漾。並鴛嬌邇來，會得荆王意，祇爲蓮莖重細畧。

虎丘寺西小溪閑泛三首

絕壑祇憐白羽傲，窮溪唯覺錦鱗癡。更深尚有通樵處，或是秦人未可知。

高下不驚紅翡翠，淺深還礙白薔薇。船頭繫箇松根

上，欲待逢仙不擬歸。

寒夜客見訪

世外爲交不是親，醉吟俱岸白綸巾。風清月白更三點，未放華陽鶴上人。

荅魯望

秦吳風俗昔難同，唯有清才事事通。剛戀水雲歸不得，前身應是太湖公。

館娃宮懷古五首

綺閣飄香下太湖，亂兵侵曉上姑蘇。越王大有堪羞

處祗把西施賺得吳

鄭姐無言下玉墀夜來飛箭滿
吳王定指高臺笑却見當時金鏤眉

半夜娃宮作戰場血腥猶雜宴時香
西施不及燒殘蠟猶爲君王泣數行

素襪雖遮未掩羞越兵猶怕伍員頭
吳王恨鬼今如在祗合西施瀨上游

響屨廊中金玉步采蘭山上綺羅身
不知水葬今何處溪月彎彎欲効頻

春夕陪櫻桃園燕

萬樹香飄水麝風蠟薰花雪盡
盡成紅夜深懽態狀不得醉客圖開明月中

松江早春

松陵清淨雪消初見底新安恐未如
穩凭船舷無一事分明數得鱸殘魚

天竺寺桂子

玉顆珊珊下月輪殿前拾得露華新
至今不會天中事應是姮娥擲與人

初冬偶作

豹皮茵下百餘錢劉墮閑沾盡醉眠
酒病校來無一

事鶴亡松老似經年

醉中寄魯望一壺

門巷寥寥空紫苔先生應渴解醒盃醉中不得親相
問故遣青州從事來

軍事院霜菊盛開上諫議

金華千點曉霜凝獨對壺觴又不能已過重陽三十
日至今猶自待王弘

悼鶴

莫怪朝來淚滿衣墮毛猶傍水花飛遼東舊事今千
古却向人間葬令威

寄韋校書

二年踈放飽江潭水物山容盡足耽唯有故人憐未
替欲封乾鱸寄終南

釣侶二首

趨眠無事避風濤一斗霜鱗換濁醪驚怪兒童呼不
得盡衝煙雨漉車螯

巖陵灘勢似雲崩釣具歸來放石層煙浪濺蓬寒不
睡更將枯蚌點漁燈

醉中先起

麝煙冉冉生銀兔蠟淚漣漣滴繡闥舞袖莫欺先醉

去醒來還解驗金泥

文燕招潤卿

颺御已應歸杳眇博山猶自對氛氲不知入夜能來
否紅蠟先教刻五分

酒病偶作

鬱林步障晝遮明一炷濃香養病醒何事晚來還欲
飲隔墻聞賣蛤蜊聲

玩金鷄鵝

鏤羽彫毛迥出羣温温麝飄出麝臍熏夜來曾吐紅茵
畔猶自溪邊睡不聞

友人許惠酒以詩索之

野客蕭然訪我家霜殘白菊兩三花子山病起無餘
事只望蒲臺酒一車

寒夜文燕潤卿有期不至

草堂虛灑待高真不意清齋避世_人料得焚香無別
事存心應待月夫人

齊梁怨別

芙蓉泣恨紅鈿落一朵別時煙似暮鴛鴦剛解惱離
心夜夜飛來棹邊泊

晚秋吟

東臯煙雨歸耕日
免去玄冠手刈禾
火滿酒壚詩在口
今人無計柰儂何

好詩景

青盤香露傾荷女子墨
風流更不言寺寺雲蘿堪度
日京塵到死撲侯門

醒聞檜

解洗餘醒晨半酒
星星仙吹起雲門
耳根莫厭聽佳木
會盡山中寂靜源

寺鍾暝

百緣斗數無塵土
寸地章煌欲布金
重擊蒲牢唵山

日冥冥煙樹覩棲禽

砌思步

襪襪古薜繡危石
切切陰翳應晚田
心事萬端何處上
少姨峯下舊雲泉

懷錫山藥名離合二首

暗竇養泉容泱泱
明園護桂放亭亭
歷山居處當天
半夏裏松風盡足聽

曉景半和山氣白
微香清淨雜纖雲
實頭事是眠平
石腦側空林看鹿羣

天台國清

十里松門國清路飯猿臺上苦提樹怪來煙雨落暗
天元是海風吹瀑布

夏日即事藥名離合三首

季春人病拋芳杜仲夏溪波遶壞垣衣典濁醪身倚
桂心中無事到雲昏

數曲急溪衝細竹葉舟來往盡能通草香石冷無辭
遠志在天台一遇中

桂葉似茸含露紫葛花如綬蘸溪黃連雲更入幽深
地骨錄閑携相獵郎

懷鹿門縣名離合

山瘦更培秋後桂溪澄閑數晚來魚臺前過鴈盈千
百泉石無情不寄書

十里松蘿陰亂石門前幽事雨來新野霜濃處憐殘
菊潭上花閑不見人

萬首唐人絕句卷第四十六

萬首唐人絕句卷第四十六

萬首唐人絕句卷第四十七

七言一百首

禁直寄崔員外

鄭畋 十二首

銀臺樓北藥珠宮
夔與人間路不同
在省五更春睡
侶早來分夢玉堂中

初秋寓直三首

曉星獨挂結麟樓
三殿風高藥樹秋
玉笛數聲飄不住
問人依約在東頭

宿鳥翩翩落照微
右臺樓閣鎖重扉
步廊無限金羈
響應是諸司扈從歸

幽閣焚香萬慮疑
下簾胎息過禪僧
玉堂分照無人
後消盡金盆一椀冰

夜景又作

鈴條無響閉珠宮
小閣涼添玉藥風
珍簾滿床明月
到自疑身在五雲中

聞號

陛兵偏近羽林營
夜靜仍傳禁號聲
應笑執金雙闕
下近南猶隔兩重城

下直早出

諸司人盡馬蹄稀
紫帕雲竿九釘歸
偏覺右臺清貴

處榜懸金字射晴暉

金鑾坡上

玉晨鍾韻索清虛
畫戟祥煙拱帝居
極眼向南無限
地綠煙深處認中書

杪秋夜直

藥官裁詔與宵分
雖在青雲憶白雲
待報君恩了歸
去山翁何急草移文

酬隱珪舍人寄紅燭

蜜炬殷紅畫不如
且將歸去照吾廬
今來併得三般
事靈運詩篇逸少書

馬嵬坡

玄宗回馬楊妃死雲雨難忘日月新
終是聖明天子事景陽宮井又何人

禁直和人飲酒

卉醴陀花物外香清濃標格勝椒漿
我來尚有鈞天會猶得金樽半日嘗

悼鶴

李穀二首

道林曾訪雪翎飛應悔庭除閉羽衣
料得王恭披鶴氅倚吟猶待月中歸

醉中襲美先起戲贈

休文雖即逃瓊液阿鷺還須掩玉閨
月落金鷄一聲後不知誰悔醉如泥

和戲襲美醉中先起

張賁七首

何事桃源路忽迷唯留雲雨怨空閨
仙郎共許多情調莫遣重歌濁水泥

送人西歸

孤雲獨鳥本無依江海重逢故舊稀
楊柳漸疎蘆葦白可堪斜日送君歸

偶約道流終乖文會荅皮陸

仙侶無何訪蔡經兩煩韶護出彤庭
人間若有登樓

望應怪文星近客星

和皮陸酒病偶作

白編椰席鏤冰明應助楊青解宿醒難繼二賢金玉
唱可憐空作斷猿聲

悼鶴

厓頂鮮毛品格馴莎庭閑暇重難羣無端日暮東風
起飄散春空一片雲

和寒夜見訪

雲孤鶴獨且相親做効從他折角巾不用吳江歎留
滯風姿俱是玉清人

玩金鷄糲

翠羽紅襟鏤彩雲雙飛常笑白鷗羣誰憐化作彫金
質從惜沉檀十里聞

和襲美索友人酒

鄭璧二首

乘興閑來小謝家便裁詩句乞榴花邴原雖不無端
醉也要臨風從鹿車

文燕潤卿不至

已知羽駕朝金闕不用燒蘭望玉京應是易遷明月
好玉皇留看舞雙成

惜花

嚴暉一首

春光冉冉歸何處更向花前把一盃盡日問花花不
語為誰零落為誰開

鑾駕東回

崔道融

三十八首

兩川花捧御衣香萬歲山呼輦路長天子還從馬嵬
過別無惆悵似明皇

釣魚

閑釣江魚不釣名瓦甌斟酒暮山青醉頭倒向蘆花
裏却笑無端犯客星

西施

苧蘿山下如花女占得姑蘇臺上春一笑不能忘敵

國五湖何處有功臣

馬嵬

萬乘淒涼蜀路歸眼前珠翠與心違重華不是風流
主湘水猶傳泣二妃

羯鼓

華清宮裏打撩聲供奉絲簧束手聽寂寞鑾輿斜谷
裏是誰翻得雨淋鈴

寄李左司

王季在臺

栢臺蘭省共清風鳴玉朝聯夜被同肯信人間有兄
弟一生長在別離中

梅

溪上寒梅初滿枝
夜來霜月透芳菲
清光寂寞思無盡
應待琴尊與解圍

天台陳逸人

絕粒空山秋復春
欲看滄海化成塵
近拋三井更深去
不怕虎狼唯怕人

雪竇禪師

雪竇峯前一派懸
雪竇五月無炎天
客塵半日洗欲盡
師到白頭林下禪

溪上遇雨二首

回塘雨脚如搔絲
野禽不起沉魚飛
耕蓑釣笠取未暇
秋田有望從淋漓
坐看黑雲銜猛雨
噴灑前山此獨晴
忽驚雲雨在頭上
却是山前晚照明

長門怨

長門花泣一枝春
爭奈君恩別處新
錯把黃金買詞賦
相如自是薄情人

秋夕

自憐三十未西遊
傍水尋山過却秋
一夜雨聲多少事
不思量盡到心頭

過隆中

玄德蒼黃起卧龍鼎分天下一言中可憐蜀國關張
後不見商量徐庶功

關下

百二山河壯帝畿關門何事更開遲應從漏却田文
後每度聞鷄不免疑

寒食客中有懷

江上聞鶯禁火時百花開盡柳依依故園兄弟別來
又應到清明猶望歸

溪夜

積雪消來溪水寬滿樓明月碎琅玕漁人拋得釣筒
盡却放輕舟下急灘

山居臥疾廣利大師見訪

桐谷孫枝已上絃野人猶臥白雲邊九天飛錫應相
誚三到行朝二十年

村墅

正月二月村墅閑餘糧未乏人心寬南鄰雨中揭屋
笑酒熟數家來相看

悲李拾遺二首

故友從來匪石心諫多難得主恩深行朝半夜煙塵

起曉殿吁嗟一鏡沉

天涯時有北來塵因話它人及故人也是先皇能罪
已殿前頻得觸龍鱗

題李將軍傳

猿臂將軍去似飛彎弓百步虜無遺漢文自與封侯
得何必傷嗟不遇時

酒醒

酒醒撥剔殘灰火多少淒涼在此中爐畔自斟還自
醉竹窻深夜雪兼風

郊居友人相訪

柴門深掩古城秋背郭緣溪一徑幽不有小園新竹
色君來那肯暫淹留

鏡湖雪霽貽方干

天外曉嵐和雪望月中歸棹帶冰行相逢半醉吟詩
苦應抵寒猿裊樹聲

秋霽

雨霽長空蕩滌清遠山初出未知名夜來江上如鉤
月時有驚魚擲浪聲

謝朱常侍寄貺蜀茶剡紙二首

瑟瑟香塵瑟瑟泉驚風驟雨起銜煙一甌解却山中

醉便覺身輕欲上天

百幅輕明雪未融
薛家凡紙漫深紅
不應點染閑言語
留紀將軍蓋世功

讀杜紫微集

紫微才調復知兵
長覺風雷筆下生
還有枉拋心力處
多於五柳賦閑情

寓題

海上乘查便合仙
若無仙骨未如船
人間亦有支機石
虛破聲名到洞天

寓吟集

陶集篇篇皆有酒
崔詩句句不無杯
醉來已共身安約
讓却詩人作酒魁

溪居即事

籬外誰家不繫船
春風吹入釣魚灣
小童疑是有村客
急向柴門去却關

鷄

買得晨鷄共鷄語
常時不用等閑鳴
深山月黑風雨夜
欲近曉天啼一聲

獻浙東柳大夫

屬城甘雨幾經春
聖主全分付越人
俗眼不知青瑣

貴江頭爭看碧油新

楊柳枝詞

霧撚煙搓一索春年年長似染來新應須喚作風流
線繫得東西南北人

楚懷王

宮花一朶掌中開緩急翻為敵國媒六里青山天下
笑張儀容易去還來

對早梅寄友人二首

憶得前年君寄詩海邊三見早梅詞與君猶是海邊
客又見早梅花發時

憶得去年有遺恨花前未醉到無花清芳一夜月通

白先脫寒衣送酒家

歎征人

高駢 三十七首

心堅膽壯箭頭親十載沙場受苦辛力盡路傍行不
得廣張紅旆是何人

湘妃廟

帝舜南巡去不還二妃幽怨水雲間當時珠淚垂多
少直到如今竹尚班

赴安南却寄台司

曾驅萬馬上天山風去雲回頃刻間今日海門南面

事莫教還似鳳林關

閨怨

人世悲歡不可知
夫君初破黑山歸
如今又獻征南策
早晚休縫帶號衣

馬嵬驛

玉顏雖掩馬嵬塵
冤氣和煙鎖渭津
蟬鬢不隨鸞駕去
至今空感往來人

宴犒蕃軍有感

蜀地恩留馬嵬哭
煙雨濛濛春草綠
滿眼由來是舊人
那堪更奏梁州曲

寓懷

關山萬里恨難銷
鐵馬金鞭出塞遙
爲問昔時青海畔
幾人歸到鳳林橋

步虛詞

青溪道士人不識
上天下地鶴一隻
洞門深鎖碧窻寒
滴露研朱點周易

贈歌者二首

酒滿金船花滿枝
佳人立唱慘愁眉
一聲直入青雲去
多少悲歡起此時

公子邀歡月滿樓
雙成揭調唱伊州
便從席上風沙

起直待陽關水盡頭

入蜀

萬水千山音信希
空勞菟夢到京畿
漫天嶺上頻回首
不見虞封淚滿衣

邊城聽角

席冥風起鴈聲秋
隴水邊沙滿目愁
三會五更吹欲盡
不知凡白幾人頭

渭川秋望寄右軍王特進

長川終日碧潺湲
知道天河與地連
憑寄兩行朝闕願
隨流入御溝泉

山亭夏日

綠樹陰濃夏日長
樓臺倒影入池塘
水精簾動微風起
滿架薔薇一院香

蜀路感懷

蜀山蒼翠隴雲愁
鑾駕西巡陷幾州
唯有縈回深澗水
潺湲不改舊時流

殘春遣興

畫舸輕桡柳色新
摩河池上醉青春
不辭不爲青春醉
只恐鶯花也怪人

春日招賓

花枝如火酒如飴正好狂歌醉復醒對酒看花何處
好延和閣下碧筠亭

過天威徑

豺狼坑盡却朝天戰馬休嘶瘴嶺煙歸路嶮巖今坦
蕩一條千里直如強

對花呈幕中

海棠初發去春枝首唱曾題七字詩今日能來花下
飲不辭頻把使頭旗

寄題羅浮別業

不將真性染埃塵為有煙霞伴此身帶日長江好歸

信博羅山下碧樵春

塞上曲二首

二年邊戍絕煙塵一曲河灣萬恨新從此鳳林關外
事不知誰是苦心人

隴上征夫隴下冤死生同恨漢將軍不知萬里沙場
苦空舉平安火入雲

廣陵宴次戲簡幙賓

一曲狂歌酒百分蛾眉畫出月爭新將軍醉罷無餘
事亂把花枝折贈人

安南送曹別勅歸朝

雲水蒼茫日欲收
野煙深處鷓鴣愁
知君萬里朝天去
爲說征南已五秋

對雪

六出飛花入戶時
坐看青竹變瓊枝
如今好上高樓望
蓋盡人間惡路岐

訪隱者不遇

落花流水認天台
半醉閑吟獨自來
惆悵仙翁何處去
滿庭紅杏碧桃開

赴西川途經虢縣作

亞夫重過柳營門
路指岷峨隔暮雲
紅額少年遮道

拜殷勤認得舊將軍

錦城寫望

蜀江波影碧悠悠
四望煙花匝郡樓
不會人家多少錦
春來盡挂樹梢頭

太公廟

青山長在境長新
寂寞持竿一水濱
及得王師身已老
不知辛苦爲何人

邊方春興

草色青青柳色濃
玉壺傾酒滿金鐘
笙歌嘹亮隨風去
知盡關山第幾重

塞上寄家兄

棣萼分張信使希
幾多鄉淚濕征衣
笳聲未斷腸先斷
萬里胡天鳥不飛

寫懷二首

漁竿消日酒消愁
一醉忘情萬事休
却恨韓彭與漢室
功成不向五湖遊
花滿西園月滿池
笙歌搖曳盡船移
如今暗與心相約
不動征旗動酒旗

池上送春

持竿閑坐思沉吟
釣得江鱗出碧潯
回首看花花欲

盡可憐
寥落送春心

南征叙懷

萬里驅兵過海門
此生今日報君恩
回期直待烽煙靜
不遣征衣有淚痕

風箏

夜靜絃聲響碧空
宮商信任往來風
依稀似曲才堪聽
又被移將別調中

平流園席上

畫舸搖煙水滿塘
柳絲輕軟小桃香
却緣龍節爲縈絆
好是狂時不得狂

南詔途中

楊奇鯤 一首

風裏浪花吹又白雨中嵐影洗還青江鷗聚處窻前
見林猶啼時枕上聽

萬首唐人絕句卷第四十七

萬首唐人絕句卷第四十八

七言一百首

游嘉州後溪

薛能

山屐經過滿逕蹤隔溪遙見夕陽春當時諸葛成何
事只合終身作卧龍

自諷

千題萬詠過三旬忘食貪魔作瘦人行處便吟君莫
笑就中詩病不任春

監郡犍爲將歸使府登樓寓題

幾日監臨向蜀春錯拋歌酒強憂人江樓一望西歸

去不負嘉州只負身

過象耳山二首

一色青松幾萬栽異香薰路帶花開山門欲別心潛
願更到蜀中還到來
到處逢山便欲登自疑身作住來僧徒行至此三千
里不是有緣應不能

聖燈

莽莽空中稍稍燈坐看迷濁變清澄須知火盡煙無
益一夜欄邊說向僧

過昌利觀

萬仞雲峯八石泉李君仙後更誰仙我來駐馬人何
問老栢無多不種田

蜀路

劔閣綠雲拂斗魁疾風生樹過龍媒前程憩罷知無
益但是驚蹄亦到來

山下偶作

零雨露山百草香樹梢山頂盡斜陽橫流巨石皆堪
住何事無僧有石房

伏牛山

虎蹲峯狀屈名牛落日連村好望秋不爲時危耕不

得一犁風雨便歸休

老圃堂

邵平瓜地接吾廬
穀雨乾時偶自鋤
昨日春風欺不在
就牀吹落讀殘書

春題

柳莫搖搖花莫開
此心因病亦成灰
人生只有家園樂
及取春農歸去來

并州寓懷

人多知遇獨難求
人負知音獨愛酬
常恐此心無樂處
枉稱年少在并州

中秋旅舍

雲卷庭虛月逗空
一方秋草盡鳴蟲
是時兄弟正南北
黃葉滿階來去風

符亭二首

以飛瀑結茅雖小甚勝

符亭之地雅離群
萬古懸泉一旦新
若念農桑也如此
縣人應得似行人

山如巫峽煙雲好
路似嘉祥水木清
大抵游人總應愛
就中難說是詩情

秋夜聽琴

十指宮商膝上秋
七條絲動雨脩脩
空堂半夜孤燈

冷彈看鄉心欲白頭

留別關東舊遊

我去君留十載中未曾相見及花紅他時住得君應
老長短看花心不同

贈出塞客

出郊征騎逐飛埃此別惟愁春未回寒葉夕陽投宿
意蘆關門向遠河開

秋溪獨坐

黃葉分飛砧上下白雲零落馬東西人生萬意此端
坐日暮水聲流出溪

蒲中霽後晚望

河邊霽色無人見身帶春風立岸頭濁水茫茫有何
意日斜還向古蒲州

宋氏林亭

地濕莎青雨後天桃花紅近竹林邊行人本是農桑
客記得春深欲種田

雲花寺寓居贈海岸上

暫寄空門未是歸上方林榭獨儒衣吾師不語應相
怪頻惹街塵入寺飛

關中秋夕

簾濕秋庭岳在煙
露光明滑竹蒼然
何人意緒還相
似鶴宿松枝月半天

西縣道中短亭二首

風涼津濕共微微
隔岸泉衝石竅飛
爭得巨靈從野
性舊鄉無此孽將歸
一瀑三峯赤日天
路人才見便翛然
誰能夜向山根
宿涼月初生的有仙

省試夜

白蓮千朶照廊明
一片承平雅頌聲
更報第三條燭
盡文昌風景畫難成

過驪山

丹雘蒼蒼簇背山
路塵應滿舊簾閒
玄宗不是偏行
樂只爲當時四海閑

曲江醉題

閑身行止屬年華
馬上懷中盡落花
狂徧曲江還醉
卧覺來人靜日西斜

參軍廳新池

簾外無塵勝物外
墻根有竹似山根
流泉不至客來
久坐見新池落舊痕

太原使院晚出

青門無路入清朝
濫作將軍最下僚
同舍盡歸身獨在
晚風開印葉蕭蕭

寒食日曲江

曲水池邊青草岸
春風林下落花盃
都門此日是寒食
人去看来多身獨來

盤屋官舍新竹

心覺清涼體似吹
滿風輕撼葉垂垂
無端種在幽閑地
衆鳥嫌寒鳳未知

京中客舍聞箏

十二三絃共五音
每聲如截遠人心
當時向秀聞鄰

笛不是離家歲月深

銅雀臺

魏帝當時銅雀臺
黃花深映棘叢開
人生富貴須回首
此地豈無歌舞來

壽安水館

地接山林兼有石
天懸星月更無雲
驚鷗上樹滿池水
澆灑一聲中夜聞

雨後早發永寧

春霖朝罷客西東
馬足泥聲路未通
獨愛千峯最高處
一峯初日白雲中

宿仙遊寺望月生峯

公門身入洞門行
出竄離籠似有情
僧語夜涼雲樹黑
月生峯上月初生

秋題

獨坐東南見曉星
白雲微透沉寥清
磷磷磬石堪僧坐
一葉梧桐落半庭

和友人寄懷

從來行樂近來希
遽瑗知言與我違
自是衰心不如舊
非關四十九年非

子夜

嫖姚家宴敵吳王
子夜歌聲滿畫堂
此日相逢眉翠盡
女真行李乞齋糧

鴈

肅肅雍雍義有餘
九天鸞鳳莫相踈
唯應靜向山窓過
激發英雄夜讀書

和府帥相公

竹映高墻似傍山
鄒陽歸後令威還
君看將相才多少
兩首詩成七步閒

又和留山雞

五色文勝百鳥王
相思兼絕寄芸香
由來不是池中物

物雞樹歸時即取將
思兼空青共香由來不長山中

舟中酬楊中丞春早見寄

錦樓春望憶丹楹更遇高情說早鶯
江上境寒吟不得濕風梅雨滿船輕

寒食日題公

美人寒食事春風折盡青青賞盡紅
夜半無燈還有睡鞦韆懸在月明中

杏花

活色生香第一流手中移得近青樓
誰知豔性終相負亂向春風笑不休

黃蜀葵

嬌黃新嫩欲題詩盡日含毫有所思
記得玉人初病起道家裝束厭禳時

春詠

春來還似去年時手把花枝唱竹枝
狂瘦未曾飡有味不緣中酒却緣詩

贈歡娘

八歲善吹笙

一束龍吟細竹枝青娥擎在手中吹
當初縱使雙成在不得如伊是小時

戲瞻相

失意蹉跎到舊遊見吹楊柳便遮羞
瞻相趙女休相拽不及人前詐擺頭

贈解詩歌人

同有詩情自合親不須歌調更含嘖
朝天御史非韓壽莫竊香來帶累人

贈韋氏歌人二首

絃管聲凝發唱高幾人心地暗傷刀
思量更有何堪比王母新開一樹桃

一曲新聲慘畫堂可能心事憶周郎
朝來爲客頻開口綻盡桃花幾許香

加階

二年中散似嵇康此日無功換寵光
唯有一般酬聖主勝於東晉是文章

野園

野園無鼓又無旗鞍馬傳杯用柳枝
嬌養翠娥無怕懼插人頭上任風吹

郊亭

郊亭宴罷欲回車滿郭傳呼調角初
尚擁笙歌歸未得笑娥扶着醉尚書

老僧

清瘦形容八十餘瓠懸籬落似村居勸師莫羨人間
有幸是元無免破除

僧窻

不悟時機滯有餘近來爲事更乖踈朱輪阜蓋蹉跎
盡猶愛明窻好讀書

題平等院

十里城中一院僧各持巾鉢事南能還應笑我功名
客未解嫌官學大乘

影燈夜二首

偃王燈塔古徐州二十年來樂事休此日將軍心似

海四更身領萬人遊

十萬軍城百萬燈酥油香暖夜如烝紅糝滿地煙光
好只恐笙歌引上昇

許州旌節到作

兩地旌旗擁一身半緣傷舊半榮新州人若憶將軍
面寫取雕堂報國真

重遊通波亭

十年拋擲故園花最憶紅桃竹外斜此日郊亭心乍
喜敗榆芳草似還家

戲舸

遠舸衝開一路萍岸傍偷上小茅亭遊人莫覓盃盤
分此地纔應聚德星

偶題

到處吟兼上馬吟
摠無愁恨自傷心
無端夢得鈞天
樂盡覺官商不是音

折楊柳十首

華清高樹出離宮
南陌柔條帶暖風
誰見輕陰是良
夜瀑泉聲畔月明中

洛橋晴影覆江船
羌笛秋聲濕塞煙
閑想習池公宴
罷水蒲風絮夕陽天

嫩綠輕懸似綴旒
路人遙見隔宮樓
誰能更近丹墀
種解播皇風入九州

暖風晴日斷浮埃
廢路新條發釣臺
處處輕輕可惆
悵後人攀處古人栽

潭上江邊嫋嫋垂
日高風靜絮相隨
青樓一樹無人
見正是女郎眠覺時

汴水高懸百萬條
風清兩岸一時搖
隋家力盡虛栽
得無限春風屬聖朝

和花煙樹九重城
夾路春陰十萬營
唯向邊頭不堪
望一株顛顚少人行

窻外齊垂皎日初樓邊輕暖好風徐游人莫道栽無
益桃李清陰却不如

衆木猶寒獨早青御溝橋畔曲江亭陶家舊日應如
此一院春條綠遶廳
帳偃纓垂細復繁令人心想石家園風條月影皆堪
重何事侯門愛樹萱

柳枝四首

數首新詞帶恨成柳絲牽我我傷情柔娥幸有腰支
穩試踏吹聲作唱聲

高出軍營遠映橋賊兵曾斫火曾燒風流性在終難
改依舊春來萬萬條
縣依陶令想嫌迂營伴將軍即大麤此日與君除萬
恨數篇風調更應無
狂似纖腰嫩勝綿自多情態竟誰憐遊人不折還堪
恨拋向橋邊與路邊

柳枝詞五首

朝陽晴照綠楊煙一別通波十七年應有舊枝無處
覓萬株風裏卓旌旄
晴垂芳態吐牙新雨擺輕條濕面春別有出墻高數
尺不知搖動是何人

暖梳簪朶事登樓因挂垂楊立地愁牽斷綠絲攀不
及半空懸着玉搔頭

西園高樹後庭根處處尋芳有折痕終憶舊游桃葉
舍一株斜映竹籬門

劉白蘇臺摠近時當初章句是誰推纖腰舞盡春楊
柳未有儂家一首詩

吳姬十首

夜鎖重門晝亦監眼波嬌利瘦巖巖偏憐不怕傍人
笑自把春羅等舞衫

龍麝薰多骨亦香因經寒食好風光何人畫得天生
態枕破施朱隔宿粧

滴滴春霖透荔枝筆題牋動手中垂天陰不得君王
召嘖着青蛾作小詩

鈿合重盛繡結深昭陽初幸賜同心君知一夜恩多
少明日宣教放德音

退紅香汗濕輕紗高捲蚊厨獨卧斜嬌淚半垂珠不
破恨君瞋折後庭花

取次衣裳盡帶珠別添龍腦裏羅襦年來寄與鄉中
伴殺盡春蠶稅亦無

畫燭燒蘭暖復迷殿帷深密下銀泥開門欲作侵晨

散已是明朝日向西
樓臺重疊滿天雲
殷殷鳴鼉世上聞
此日楊花初似雪
女兒絃管弄參軍
冠剪黃綃帔紫羅
薄施鉛粉畫青娥
因將素手誇纖巧
從此椒房寵更多

身是三千第一名
內家叢裏獨分明
芙蓉殿上中元日
水拍銀臺弄化生

題于公花園

含桃莊主後園深
繁實初成靜掃陰
若使明年花可待
應須惱破事花心

登城

偶作閑身上古城
路人遙望不相驚
無端將吏逡巡至
又作都頭一隊行

好客

好客連宵在醉鄉
蠟煙紅暖勝春光
誰人肯信山僧語
寒雨唯煎治氣湯

贈普恭禪師

一日迢迢每一食
我心難伏我無難
南簷十月繩牀暖
背卷真經向日看

贈無表禪師

笠戴圓陰楚地樓磬敲清響蜀山銅秋來說偈寅朝
殿爽爽楊枝滿手風

萬首唐人絕句卷第四十八

萬首唐人絕句卷第四十九

七言一百首

蠶婦

來鵠十八首
又作來鵬

曉夕采桑多苦辛好花時節不閑身若教解愛繁華
事凍殺黃金屋裏人

題廬山雙劍峯

倚天雙劍古今閑三尺高於四面山若使火雲燒得
動始應農器滿人間

雲

千形萬象竟還空映水藏山片復重無限旱苗枯欲

盡悠悠閑處作奇峯

金錢花

也無稜郭也無神露洗還同鑄出新青帝若教花裏
用牡丹應是得錢人

曉雞

黯黯嚴城罷鼓鞀數聲相續出寒栖不嫌驚破紗窻
夢却怕爲妖半夜啼

山中避難作

山頭烽火水邊營鬼哭人悲夜夜聲唯有碧天無二
事日還西下月還明

早春

新曆才將半紙開小庭猶聚爆竿灰偏憎楊柳難鈴
轄又惹東風意緒來

鷺鷥

裊絲翹足傍澄瀾消盡年光佇思閒若使見魚無羨
意向人姿態更應閑

子規

雨恨花愁同此冤啼時聞處正春繁千聲萬血誰哀
爾爭得如花笑不言

新安官舍閑坐

寂寞空階草亂生
簟涼風動若爲情
不知獨坐閑多
少
看得蜘蛛結網成

除夜

事關休戚已成空
萬里相思一夜中
愁到曉鷄聲絕
後又將憔悴見春風

游魚

弄萍隈荇思夷猶
掉尾揚鬣逐慢流
應怕碧巖巖下
水浮藤如線月如鉤

鸚鵡

色白還應及雪衣
紫紅毛綠語仍奇
年年鎖在金籠

裏何似隴山閑處飛

偶題二首

近來靈鵲語何踈
獨凭欄干恨有殊
一夜綠荷霜剪
破賺他秋雨不成珠

水邊箕踞靜書空
欲解愁腸酒不濃
可惜青天好雷
電只能驅趁懶蛟龍

惜花

東風漸急夕陽斜
一樹夭桃數日花
爲惜紅芳今夜
裏不知和月落誰家

洞庭隱

高卧洞庭三十春
芰荷香裏獨垂綸
莫嫌無事閑銷日
有事始憐無事人

古劍池

秋水蓮花三四枝
我來慷慨步遲遲
不決浮雲斬邪佞
直成龍去欲何爲

上興元嚴僕射

歐陽詹 二十六首

推車闔外主恩新
今日梁川草遍春
玉色據鞍雙節下
揚兵百萬路無塵

送張中丞

心誦陰符口不言
風驅千騎出轅門
孫吳去後無長

策誰敵留侯直下孫

覩亡友題詩處

舊友親題壁上詩
傷看綠跡不綠詞
門前猶是長安道
無復回車下筆時

題秦嶺

南下斯須隔帝鄉
北行一步掩南方
悠悠煙景兩邊意
蜀客秦人各斷腸

石臼嶺寄嚴僕射

鳥企蛇盤地半天
下窺千仞到浮煙
因高回望沾恩處
認得梁州落日邊

經駱谷見野果有閩中懸壺子呈洪孺卿
洪亦閩人

青苞朱實忽離離
摘得盈筐淚更垂
上德同之豈無
意故園山路一枝枝

韋晤宅聽歌

服製虹霓鬢似雲
蕭郎屋裏上清人
等閑逐酒傾盃
樂飛盡虹梁一夜塵

聞嘉陵越鳥聲呈林蘊

正是閩中越鳥聲
幾回留聽暗沾纓
傷心激念君深
淺共有離鄉萬里情

送聞上人遊嵩山

二室峯峯昔願遊
從雲從鶴思悠悠
丹梯石路君先去
爲上青冥最上頭

題僧房

草席蒲團不掃塵
松閒石上似無人
羣陰欲午鍾聲
動自煮溪蔬養幻身

山中老僧

笑向來人話古時
繩牀竹杖自扶持
秋深頭冷不能
剃白黑蒼然髮到眉

贈魯山李明府

外戶通宵不閉關抱孫弄子萬家閑若將邑號稱賢
宰又是皇唐李魯山

泉州赴上都留別舍弟及故人

天長地闊多岐路身即飛蓬共水草疋馬將驅豈容
易弟兄親故滿離亭

送張驃騎

寶馬琯弓金僕姑龍驤虎視出皇都揚鞭莫怪輕胡
虜曾在漁陽敵萬夫

題梨嶺

南北風煙即異方連峯危棧倚蒼蒼哀猿咽水偏高

處誰不沾衣望故鄉

秋夜寄僧

尚被浮名誘此身今時誰與德爲鄰遙知是夜檀溪
上月照千峯爲一人

觀送葬

何事悲酸淚滿巾浮生共是北邙塵他時不見北山
路死者還曾哭送人

宿建溪

篷簞一席眠還坐蛙噪螢飛夜未央僮僕舟人空寂
寂隔簾微月入中倉

題王明府郊亭

日日郊亭啓竹扉
論桑勸穡是常機
山城要得牛羊
下方與農人分背歸

塞上行

聞說胡兵欲利秋
昨來投筆到營州
驍雄已許將軍
用邊塞無勞天子憂

題別業

千山江上背斜暉
一徑中峯見所歸
不信扁舟回在
晚宿雲先已到柴扉

廣陵登高懷邵二

簪萸泛菊俯平阡
飲過三盃却惘然
十歲此辰同醉
友登高各處已三年

題延平劍潭

想象精靈欲見難
通津一去水漫漫
空餘昔日凌霜
色長與澄潭生晝寒

晚泊漳州

回峯疊嶂遶庭隅
散點煙霜勝畫圖
日暮華軒卷長
箔太清雲上對蓬壺

贈嚴兵馬使

爲鴈爲鴻弟與兄
如鷗如鷲傑連英
天旋地轉煙雲

黑共鼓長風六合清

除夜侍酒呈諸兄示舍弟

莫歎明朝又一春
相看堪共貴
茲身悠悠寰宇同
今夜膝下傳盃有幾人

春日思歸

王翰 三首

楊柳青青杏發花
年光誤客轉思家
不知湖上菱歌女
幾箇春舟在若耶

涼州詞二首

蒲萄美酒夜光醅
欲飲琵琶馬上催
醉卧沙場君莫笑
古來征戰幾人回

秦中花

已應闌塞外
風沙猶自寒
夜聽胡笳折楊

柳教人

盡憶長安

馬嵬

徐寅 十首

二百年來
在却是相
死死報君
爭遠聞從龍
唯解盡如雲
張均兄弟今何

初夏戲題

長養薰風拂曉吹
漸開荷芰落薔薇
青蟲也學莊周
夢化作南園蛺蝶飛

路傍草

楚甸秦原萬里平
誰教根向路傍生
輕蹄繡轂長相

唐詩卷四十九
八
蹋合是榮時不得榮

蝴蝶三首

不並難飛蠶裏蛾有花芳處即經過
天風相送輕飄去却笑蜘蛛漫織羅
冉冉雙雙拂畫欄佳人欲繡再三看
莫欺翼短飛長近試就花間捉也難
栩栩無因繫得他野園荒徑一何多
不聞絲竹誰教舞應伏流鶯爲唱歌

李夫人二首

不望金輿到錦帷人間樂極即須悲
若言要識愁中貌也似君恩日日衰
招得香魂爵少翁九華燈燭曉還空
漢皇不及吳王樂且與西施死處同

答黃校書來韻

慈恩鴈塔參差榜杏苑鶯花次第遊
白日有愁猶可散青山高卧況無愁

無題

買骨須求騏驥骨愛毛宜採鳳凰毛
駑駘鸞雀堪何用仍向人前價數高

宿齊山僧舍

張喬二十一首

一宿經窻望白波
曉隨山月出煙蘿
若言不得南宗要
長在禪牀事更多

剪雨裁煙一節秋
落梅楊柳曲中愁
尊前暫借殷勤看
明月曾聞向隴頭

長安贈猿

掛月棲雲向楚林
取來全是爲清音
誰知繫在黃金鎖
翻畏侯家不敢吟

漁者

首戴圓荷髮不梳
葉舟爲宅水爲居
沙頭聚看人如

市釣得澄江一丈魚

宿潺湲亭

走月流煙疊樹西
聽來愁甚聽猿啼
幾時御水聲邊住
却夢潺湲宿此溪

臺城

宮殿餘基長草花
景陽宮樹噪村鴉
雲屯雉堞依然在
空繞漁樵四五家

寄山僧二首

大道本來無所染
白雲那得有心期
遠公獨刻蓮花漏
猶向青山禮六時

閑倚蒲團向日眠不能歸老岳雲邊舊時僧侶無人
在唯有長松見少年

題上元許棠所任王昌齡廳

瑠璃堂裏當時客久絕吟聲繼後塵百四十年庭樹
老如今重得見詩人

自誦

每到花時恨道窮一生光景半成空只應抱璞非良
玉豈得年年不至公

贈河南詩友

山東令族玉無塵裁剪煙花筆下春不把瑤華借風

月洛陽才子更何人

寄惟揚故人

離別河邊縮柳條千山萬水玉人遙月明記得相尋
處城鎖東風十五橋

孤雲

舒卷因風何所之碧天孤影勢遲遲莫言長是無心
物還有隨龍作雨時

詠棋子贈奕僧

黑白誰能用入玄千回生死體方圓空門說得恒沙
劫應笑終年爲一先

谷口作

巴客青冥過嶺塵雪崖交映一川春
晴朝采藥尋源去必恐雲深見異人

寄弟

故里行人戰後踈青崖萍寄白雲居
那堪又是傷春日把得長安落第書

春日有懷

高下尋花春景遲汾陽臺榭白雲詩
看山懷古翻惆悵未勝遙傳不到時

宿洛都門

山川馬上度邊禽一宿都門永夜吟
客路不歸秋又晚西風吹落洛陽砧

鷺絲障子

剪得機中如雪素畫爲江上帶絲禽
閑來相對茅堂下引出煙波萬里心

促織

念爾無機自有情迎寒辛苦弄梭聲
椒房金屋何曾識偏向貧家壁下鳴

宴邊將

一曲涼州今不清邊風蕭颯動江城
坐中有老沙場

客橫笛休吹塞上聲

閔鄉卜居

吳融九首

六載抽毫侍禁闈不堪多病決然歸五陵年少如相
問阿對泉頭一布衣

水調

鑿河千里走黃沙浮殿西來動日華可道新聲是二
國且貪惆悵後庭花

野廟

古原荒廟掩莓苔何處喧喧鼓笛來日暮鳥鳴人散
盡野風吹起紙錢灰

小逕

礙竹妨花一逕幽攀緣應對玉峯頭若教須似康莊
好便有高車駟馬憂

楚事

悲秋應亦抵傷春屈宋當年並楚臣何事從來好時
節只將惆悵付詞人

華清宮三首

中原無鹿海無波鳳輦鸞旗出幸多今日故宮歸寂
寞太平功業在山河
四郊飛雪暗雲端唯此宮中落旋乾綠樹碧簷相掩

映無人知道外邊寒

漁陽烽火照函關玉輦忽忽下此山一曲羽衣聽不盡至今遺恨水潺潺

上巳日

本學多情劉武威尋花傍水看春輝無端遇着傷心事贏得淒涼索漠歸

嘲妓

崔涯七首

布袍披襖火燒氈紙補篋篔簹接絃更著一雙皮篋子紇梯紇榻出門前

嘲李湍湍

黃昏不語不知行鼻似煙惚耳似鐘獨把象牙梳插鬢崑崙山上海初生

重贈

覓得黃騮鞍繡鞍善和坊裏取湍湍揚州近日渾成差一朵能行白牡丹

雜嘲二首

二年不到宋家東阿母深居僻巷中含淚向人羞不語琵琶絃斷倚屏風

日暮迎來香閣中百年心事一宵同寒鷄鼓翼紗窓外已覺恩情逐曉風

悼妓

赤板橋西小竹籬
槿花還似去年時
淡黃衫子渾無色
腸斷丁香畫雀兒

別妻

隴上流泉隴下分
斷腸嗚咽不堪聞
姮娥一入月宮去
巫峽千秋空白雲

竹枝二首

孫光憲 六首

門前春水白蘋花
岸上無人小艇斜
商女經過江欲暮
散拋殘食飼神鴉

亂繩千結絆人深
越羅萬丈表長尋
楊柳在身垂意緒
藕花落盡見蓮心

楊柳枝四首

閶門風暖落花乾
飛遍江城雪不寒
獨有晚來臨水驛
閑人多凭赤欄干

有池有榭即濛濛
浸潤翻成長養功
恰似有人長點檢
著行排立向春風

根柢雖然傍濁河
無妨終日近笙歌
穆穆金帶誰堪比
還共黃鶯不較多

萬株枯槁怨亡隋
似弔吳臺各自垂
好是淮陰明月裏
酒樓橫笛不勝吹

萬首唐人絕句卷第四十九

萬首唐人絕句卷第五十

七言一百首

詠燈

韓偓 九十五首

高在酒樓明錦幕遠隨漁艇泊煙江古來幽怨皆銷
骨休向長門背雨窓

遠廊

濃煙隔簾玉漏泄斜燈照燭光參差遶廊倚檻更惆
悵微雨輕寒花落時

夜子

六寸膚圓光緻緻白羅繡屣紅托裏南朝天子事風

流却重金蓮輕綠齒

想得

兩重門裏玉堂前寒食花枝月午天想得那人垂手
立嬌羞不肯上鞦韆

聞雨

香侵蔽膝夜寒輕聞雨傷春夢不成羅帳四垂紅燭
背玉釵敲着枕函聲

聯綴體

院宇明秋日日長社前一鴈辭遼陽隴頭針線年年
事不喜寒砧擣斷腸

夜深

清江碧草兩悠悠各自風流一種愁正是落花寒食
雨夜深無伴倚空樓

哭花

曾愁香結破顏遲今見妖紅委地時若是有情爭不
哭夜來風雨葬西施

蜻蜓

碧玉眼睛雲母翅輕於粉蝶瘦於蜂坐來併拂波光
舞可是殷勤戀蓼叢

觀鬪鷄

何曾解報稻梁恩
金距花冠氣遏雲
白日梟鴟無意問
唯將芥羽害同羣

船頭

兩岸綠蕪齊似剪
掩映靈山朔向晚
船頭獨立望長空
日灩波光逼人眼

寄禪師

從無入有雲峯聚
已有還無電火銷
銷聚本來皆是幻
世間開口漫囂囂

已涼二首

碧闌干外繡簾垂
猩色屏風畫折枝
八尺龍鬚方錦

褥已涼天氣未寒時
秋多却訝天涼早
思倦翻嫌夜漏遲
何處山川孤館裏
向燈鸞盡一雙眉

重遊曲江

鞭鞘亂拂暗傷情
蹤跡難尋露草青
猶有玉輪曾碾處
一泓秋水漲浮萍

遙見

悲歌淚濕淡燕脂
閑立風吹金縷衣
白玉堂東遙見後
今人評泊畫楊妃

新秋

一夜清風動扇愁
背時容色入新秋
桃花臉裏汪汪
淚忍到更深枕上流

宮詞

繡屏斜立正銷魂
侍女移燈掩殿門
燕子不歸花着
雨春風應自怨黃昏

踏青

踏青會散欲歸時
金車久立頻催上
收裙整髻故遲
留兩點深心各惆悵

寒食夜

測測輕寒剪剪風
杏花飄雪小桃紅
夜深斜搭秋千

索樓閣朦朧細雨中

鬆髻

髻根鬆慢玉釵垂
指點庭花又過時
坐久暗生惆悵
事映人勻却淚燕脂

夏日

庭樹新陰葉未成
玉階人靜下簾聲
相風不動烏龍
睡時有幽禽自喚名

江樓二首

夢啼嗚咽覺無語
杳杳微微望煙浦
樓空客散燕交
飛江靜帆稀日亭午

鯉魚苦笋香味新楊花酒旗三月春風光百計牽人
老爭那多情足病身

新上頭

學梳蟬鬢試新裙消息佳期在此春為愛好多心轉
惑遍將宜稱問傍人

錄舊詩有感

緝綴小詩抄卷裏尋思閑事到心頭自吟自泣無人
會腸斷蓬山第一流

中庭

夜短睡遲慵早起日高方始出紗窓中庭自摘青梅

子先向釵頭帶一雙

蹤跡

東烏西兔似車輪却笑桑田不復論唯有風光與蹤
跡思量長似暗銷寬

日高

朦朧猶認管絃聲嗔咋餘寒酒半醒春暮日高簾半
捲落花和雨滿中庭

夕陽

花前洒淚臨寒食醉裏回頭問夕陽不管相思人老
盡朝朝容易下西墻

過建溪

長貪山水羨漁樵自笑揚鞭趁早朝今日建溪驚恐
後李將軍畫也須燒

秋雨內宴

一帶清風入畫堂撼真珠箔碎玎璫更看檻外霏霏
雨似勸須交醉玉觴

僧影

山色依然僧已亡竹間疎磬隔殘陽智燈已滅餘香
燼猶自光明照十方

舊館

前歡往恨分明在酒興詩情太半亡還是墻西紫荆
樹殘花摘索映高塘

中春憶贈

年年長是阻佳期萬種恩情只自知春色轉添惆悵
望似君花發兩三枝

半睡

眉山暗淡向殘燈一半雲鬟墜枕稜四體着人嬌欲
泣自家揉損研繚綾

春恨

殘夢依依酒力餘城頭畫角半啼烏平明未捲西樓

幕院靜時聞放鹿盧

寄恨

秦釵枉斷長條玉蜀紙空留小字紅死恨物情無會
處蓮花不肯嫁春風

閨怨

時光潛去暗淒涼懶對菱花暈曉粧初拆鞦韆人寂
寞後園青草任他長

深院

鵝兒啞唳梳黃菊鳳子輕盈膩粉膏深院下簾人晝
寢紅薔薇架映芭蕉

信知尤物必牽情一顧難酬覺命輕曾把禪機銷此
病破除纔盡又重生

忍笑

宮樣梳頭淺畫眉晚來裝飾更相宜水精鸚鵡釵頭
顫歛袂佯羞忍笑時

氣疾初愈

疾愈身輕覺數通山無嵐瘴海無風陰陽欲出陰精
落天地包含紫氣中

偶見二首

唐詩集卷五十一
七
霧爲襟袖玉爲冠半似羞人半忍寒別易會難長自
歎轉身應取淚珠彈

桃花臉薄難藏淚桂葉眉長易覺愁形迹未成當面
笑幾回擡眼又低頭

密意

呵花貼鬢粘寒髮凝酥光透猩猩血經過洛水幾多
人唯有陳王見羅襪

偶見

秋千打困解羅裙指點醍醐酒一尊見客入來和笑
走手搓梅子映中門

寒食夜有寄

風流大底是張張一度相思一斷腸雲薄月昏寒食
夜隔簾微雨杏花香

歎白菊

正憐香雪披千片忽訝殘霞覆一叢還似妖姬長年
後酒酣雙臉却微紅

侍宴

蜂黃蝶粉兩依依狎宴臨春日正遲密旨不教江令
醉麗華微笑認皇慈

秋霖夜憶家

垂老何時見弟兄背燈愁泣到天明不知短髮能多
少一滴秋霖白一莖

曛黑

古木侵天日已沉露華涼冷潤衣襟江城曛黑人行
絕唯有啼鳥伴夜砧

柳二首

裹雨拖風不自持遍身無力向人垂玉纖折得遙相
贈便似觀音手裏時

一籠金線拂彎橋幾被兒童損細腰無柰靈和標格
在春來依舊裹長條

曉日

天際霞光入水中水中天際一時紅直須日觀三更
後首送金烏上碧空

醉著

萬里清江萬里天一村桑柘一村煙漁翁醉著無人
喚過午醒來雪滿船

家書後批

家在登州

四序風光揔是愁鬢毛衰颯涕橫流此書未到心先
到想見孤城海岸頭

偶題

侯時輕進固相妨
實行丹心仗彼蒼
蕭艾轉肥蘭蕙瘦
可能天亦妬馨香

淨興寺杜鵑

一園紅艷醉坡陀
自地連梢族舊羅
蜀魄未歸長滴血
祇應偏滴此叢多

翠碧鳥

天長水遠網羅希
保得重重翠羽衣
挾彈小兒多害物
勸君莫近五陵飛

贈孫尊師

齒如冰雪髮如鬢
幾百年來醉似泥
不共世人爭得

失臥床前有上天梯

寓汀州聞鄭左丞赴洛

鬢惹新霜耳舊聾
眼昏腰曲四支風
交親若要知形候
嵐瘴煙中折臂翁

荔枝三首

遐方不許貢珍奇
密詔唯教進荔枝
漢武碧桃爭比得
枉令方朔號偷兒

封開玉籠雞冠溢
葉襯金盤鶴頂鮮
想得佳人微啓齒
翠釵先取一雙懸

巧裁霞片裹神漿
崖蜜天然有異香
應是仙人金掌

露結成冰入蒨羅囊

尤溪道中

水自潺湲日自斜盡無鷄犬有鳴鴉千村萬落如寒食不見人煙空見花

騰騰

八年流落醉騰騰點檢行藏喜不勝烏帽素餐兼施藥前生多恐是醫僧

贈友人

莫嫌談笑與經過却恐閑多病亦多若遺心中無一事不知爭奈日長何

中秋永夕奉寄楊學士

鱗差甲子漸衰遲依舊年年困亂離八月夜長鄉思切鬢邊添得幾莖絲

清興

陰沉天氣連翩醉摘索花枝撩峭寒擁鼻遶廊吟看雨不知遺却竹皮冠

雷公

閑人倚柱笑雷公又向深山霹怪松必若有蘇天下意何如驚起武侯龍

野塘

侵曉乘涼偶獨來不因魚躍見萍開
卷荷忽被微風觸瀉下清香露一盃

訪隱者遇醉

曉入江村覓釣翁釣翁沉醉酒缸空
夜來風起閑花落狼籍柴門鳥徑中

即日

書墻暗記移花日洗瓮先知醞酒期
須信閑人有忙事且來衝雨覓漁師

寄鄰莊道侶

聞說經旬不啓關藥牕誰伴醉開顏
夜來雪壓村前

竹剩見溪南幾尺山

初赴期集

輕寒着背雨淒淒九陌無塵未有泥
還是平時舊滋味漫垂鞭袖過街西

晚岸

揭起青蓬上岸頭野花和雨冷脩脩
春江一夜無波浪校得行人分外愁

仙山

一炷心香洞府開偃松皴澁半莓苔
水清無底山如削始有仙人騎鶴來

過茂陵

不心霜露但傷春孝理何因感兆民景帝龍髯消息
斷香空見李夫人

曲江秋日

斜煙縷縷鷺鷥棲藕葉枯香折野泥有箇高僧似圖
畫把經吟立水塘西

流年

三月傷心仍晦日一春多病更陰天雄豪亦有流年
恨況是離魂易黯然

寄上兄長

兩地支離路八千襟懷悽愴鬢蒼然亂來未必長團
會其奈而今更長年

兩賢

賣卜嚴將賣餅孫兩賢高趣恐難倫而今若有逃名
者應被品流呼差人

寶劍

困極還應有日通難將糞土掩神蹤但教出得豐城
後不是延津亦化龍

訪盧秀才

藥訣基經思致論柳腰蓮臉本忘情頻頻強入風流

坐酒肆應疑阮步兵

商山道中

雲橫峭壁水平鋪
渡口人家日欲晡
却憶往年看粉本
始知名畫有功夫

招隱

立意忘機機已生
可能朝市汙高情
時人未會嚴陵志
不釣鱸魚只釣名

雨村

鴈行斜拂雨村樓
簾下三更幕一鉤
倚柱不知身半濕
黃昏獨自未回頭

使風

茶香睡覺心無事
一卷黃庭在手中
欹枕卷簾江萬里
舟人不語滿帆風

阻風

平生情趣羨漁師
此日煙江愜所思
肥鯪香杭小艫艫
斷腸滋味阻風時

并州

戍旗青草接榆關
雨裏并州四月寒
誰會憑欄潛忍淚
不勝天際似江干

夏夜

唐詩卷五十一
二十四
猛風飄電黑雲生
霎霎高林簇雨聲
夜久雨休風又定
斷雲流月却斜明

欄干

掃花雖恨夜來雨
把酒却憐晴後寒
吳質漫言愁得病
當時猶不凭欄干

驛樓

流雲溶溶水悠悠
故鄉千里空回頭
三更獨凭欄干月
淚滿關山孤驛樓

以海棠梨花一枝寄李員外

二月春風澹蕩時
旅人虛對海棠梨
不如寄與星郎

去想復

正畫眉

遊春引三首

張碧五首

句芒愛弄春風權
開萌發翠無黨偏
句芒小女精神巧
機羅杼綺滿平川

五陵年少輕薄客
蠻錦花多春袖窄
酌桂鳴金翫物華
星蹄繡轂填香陌

千條碧綠輕拖水
金毛泣怕春江死
萬彙俱含造化恩
見我春公無私理

農父

運鋤耕斲侵星起
隴畝豐盈滿家喜
到頭禾黍屬他

人不知何處拋妻子

古意

鑾輿不碾香塵滅更殘三十六宮月手持紈扇獨含
情秋風吹落橫波血

萬首唐人絕句卷第五十一

萬首唐人絕句卷第五十一

七言一百首

看花

羅鄴三十六首

花開只恐看來遲及到愁如未看時家在楚鄉身在
蜀一年春色負歸期

柳絮

處處東風撲晚陽輕輕醉粉落無香就中堪恨隋堤
上曾惹龍舟舞鳳凰

雲

紛紛靄靄遍江湖得路爲霖豈合無莫使悠颺只如

此帝鄉還更援蒼梧

芳草

曲江岸上天街裏兩地縱生車馬多不是萋萋南浦
見晚來煙雨半相和

出都門

青門春色一花開長到花時把酒杯自覺無家似潮
水不知歸處去還來

水簾

萬點飛泉下白雲似簾懸處望疑真若將此水為霖
雨更勝長垂隔路塵

賞春

芳草和煙暖更青開門要路一時生年年點檢人間
事唯有春風不世情

歎平泉春

生前幾到此亭臺尋歎投荒去不回若使春風會人
意花枝盡合向南開

長安春雨

兼風颯颯灑皇州能滯輕寒與勝遊半夜五侯池館
裏美人驚起為花愁

駕蜀回

上皇西幸却歸秦花木依然滿禁春唯有貴妃歌舞
地月明空殿鎖香塵

河湟

河湟何計絕烽煙免使征人更戍邊盡放農桑無一
事遣教知有太平年

聞子規

蜀魄千年尚怨誰聲聲啼血向花枝滿山明月東風
夜正是愁人不寐時

江帆

別離不獨恨蹄輪渡口風帆發更頻何處青樓方凭

檻半斜紅日認歸人

望仙

千金壘土望三山雲鶴無蹤羽衛還若說神仙求便
得茂陵何事在人間

放鷓鴣

好倚青山與碧谿刺桐毛竹待雙棲花時遷客傷離
別莫向相思樹上啼

宮中二首

芳草長含玉釐塵君王遊幸此中頻今朝別有承恩
處鸚鵡飛來說似人

雖然自小屬梨園不識先皇玉殿門
還是當時歌舞曲今來何處最承恩

驪山

風搖巖桂露聞香白鹿驚時出繞墻
不向驪山鎖宮殿可知仙去是明皇

梅花

繁如瑞雪壓枝開越嶺吳溪免用栽
却是五侯家未識春風不放過江來

鴈

早背胡霜過戍樓又隨寒日下汀洲
江南江北多離

別忍報年年兩地愁

汴河

煬帝開河鬼亦悲生民不獨力空疲
至今嗚咽東流水似向清平怨昔時

渡江有感

岸落殘紅錦雉飛渡江船上夕陽微
一枝猶負平生意歸去何曾勝不歸

題終南山僧堂

九衢終日見南山名利何人肯掩關
唯有吾師達真理坐看雙樹老雲間

冬夕江上書事

一帶長谿淥浸門數聲幽鳥啄雲根松亭盡日唯空
坐難得儒翁共討論

大散嶺

過往長逢日色稀雪花如掌撲行衣嶺頭却望人來
處特地身疑是鳥飛

嘉陵江

嘉陵南岸雨初收江似秋嵐不煞流此地終朝有行
客無人一爲棹扁舟

螢

水殿清風玉戶開飛光千點去還來無風無月長門
夜偏到堦前點綠苔

吳王古宮井二首

古宮荒井曾平後見說耕人又鑿開拾得玉釵鐫勅
字當時恩澤賜誰來

含青薜荔隨金甃碧砌磷磷生綠苔莫言數尺無波
水曾與如花並照來

黃河曉渡

大河平野正窮秋羸馬羸僮古渡頭昨夜蓮花峰下
月隔簾相伴到明愁

溫泉

一條春水漱莓苔幾繞玄宗浴殿回此水貴妃曾照影不堪流入舊宮來

秋怨

夢斷南窗啼曉烏新霜昨夜下庭梧不知簾外如珪月還照邊城到曉無

春過白遙嶺

鳥道穿雲望峽遙羸蹄經病在岩堯到來山下春將半上得林端雪未銷

歎別

北來南去幾時休人在光陰似箭流直待江山盡無路始應拋得別離愁

送春

欲別東風剩黯然亦知春去有明年世間爭那人先老更對殘花一醉眠

蠟燭

暖香紅燭一時燃緹幕初垂月落天堪恨蘭堂別離夜如珠似淚滴樽前

子規

羅隱 四十五首

銅梁路遠草青青此恨那堪枕上聽一種有冤猶可

報不如銜石壘滄溟

焚書坑

千載遺蹤一窖塵路傍耕者亦傷神祖龍筭事渾乖
角將爲詩書活得人

始皇陵

荒堆無草樹無枝懶向行人問昔時六國英雄漫多
事到頭徐福是男兒

浮雲

溶溶曳曳自舒張不向蒼梧卽帝鄉莫道無心便無
事也曾愁殺楚襄王

早發

北去南來無定居此生計竟何如酷憐一覺平明
睡長被雞聲惡破除

香

沉水良材食柏珍博山鑪暖玉樓春憐君亦是無端
物貪作馨香忘却身

銅雀臺二首

強歌強舞竟難勝花落花開淚滿纓只合當年伴君
死免教憔悴望西陵

臺上年年掩翠娥臺前高樹夾漳河英雄亦到分香

處能共常人校幾多

自遣

得則高歌失却休多愁多恨亦悠悠今朝有酒今朝醉明日愁來明日愁

鸚鵡

莫恨雕籠翠羽殘江南地暖隴西寒勸君不用分明語語得分明出轉難

竹下殘雪

墻下濃陰對此君小山尖險玉為羣夜來解凍風雖急不向寒城減一分

西施二首

家國興亡自有時吳人何苦怨西施西施若解傾吳國越國亡來又是誰
讓高泰伯開基日賢見延陵復命時未會子孫因底事解崇臺榭為西施

金錢花

占得佳名繞樹芳依依相伴向秋光若教此物堪收貯應被豪門盡斲將

梅

天賜臙脂一抹腮盤中磊落笛中哀雖然未得和羹

便曾與將軍止渴來

煬帝陵

入郭登橋出郭船紅樓日日柳年年君王恐把平陳業只換雷塘數畝田

馬嵬坡

佛屋前頭野草春貴妃輕骨此爲塵從來絕色知難得不破中原未是人

隋堤柳

夾岸依依千里遙路人回首認隋朝春風未借宣華意猶費工夫長柳條

孟先生墓

數步荒榛接舊蹊寒江漠漠草萋萋鹿門黃土無多少恰到書生冢便低

秦紀

長策東邊極海隅龜鼉奔走鬼神趨憐君未到沙丘日肯信人間有死無

柳二首

灞岸晴來送別頻相偎相倚不勝春自家飛絮猶無定爭解垂絲絆路人

一簇青煙鎖玉樓半垂欄畔半垂溝明年更有新條

在繞亂春風卒未休

王濬墓

男兒未必盡英雄俱到時來命卽通若使吳都由王
氣將軍何處立殊功

京中晚望

心如野鹿跡如萍漫向人間性一靈往事不知多少
夢夜來和酒一時醒

偶興

逐隊隨行二十春曲江池畔避車塵如今贏得將衰
老閒看人間得意人

題僧院

日夜潮聲送是非一回登眺一忘機憐師好事無人
見不把蘭牙染褐衣

圍城偶作

東望陳留日欲曛每因刀筆想夫君自從郭泰碑銘
後只見黃金不見文

宿紀南驛

策蹇南游憶楚朝陰風淅淅樹蕭蕭不知無忌姦邪
骨又作何山野葛苗

偶題

鍾陵醉別十餘春重見雲陰掌上身我未成名君未
嫁可能俱是不如人

故都

江南江北兩風流一作迷津一拜侯至竟不如隋煬
帝破家猶得到揚州

寄竇處士二首

蘭亭醉客獨知聞欲問平安隔海雲不是金陵錢太
守世間誰肯更容身
鼇背樓臺拂白榆此中樸客亦踟躕
山道士無仙骨却向人間作酒徒

蜂

不論平地與山尖無限春光盡被占採得百花成蜜
後不知辛苦爲誰甜

七夕

月帳星房次第開兩情唯恐曉光催時人不用穿針
待沒得心情送巧來

羅敷水

雉聲角角野田春試駐征車問水濱數樹枯桑雖不
語思量應合識秦人

嚴陵灘

中都九鼎動英髦
漁釣牛簑且遁逃
世祖升遐夫子死
原陵不及釣臺高

華清宮

樓殿層層佳氣多
開元時節好笙歌
也知道德勝堯舜
爭奈楊妃解笑何

簾二首

疊影重紋映畫堂
玉鈎銀燭共熒煌
會應得見神仙在
休下真珠十二行

翡翠佳名世共稀
玉堂高下巧相宜
殷勤爲囑織織手
捲上銀鈎莫放垂

韋公子

擊箸狂歌慄別顏
百年人事夢魂間
李將軍自嘉聲在
不得封侯亦是閒

中秋不見月

陰雲薄暮上空虛
此夕清光已破除
只恐異時開霽後
玉輪依舊養蟾蜍

望思臺

芳草臺邊魂不歸
野煙喬木弄殘暉
可憐高祖清平業
留與閒人作是非

鷺鷥

斜陽澹澹柳陰陰
風裊寒絲映水深
不要向人誇潔白
也知常有羨魚心

書淮陰侯傳

寒燈挑盡見遺塵
試瀝椒漿合有神
莫恨高皇不終始
滅秦謀項是何人

竹

籬外清陰接藥欄
晚風交戛碧琅玕
子猷沒後知音少
粉節霜筠漫歲寒

中秋夜戲酬顧道士
孫蜀一首

不那此身偏愛月
等閒看月卽更深
仙翁每被嫦娥

使一度逢圓一夜吟

贈薛瑤英

楊炎一首

雪面澹娥天上女
鳳簫鸞翅欲飛去
玉釵翹碧步無塵
楚腰如柳不勝春

題北方天王祠
劉山甫一首

壞墻風雨幾經春
草色盈庭一座塵
自是神無感應盛衰
何得却由人

贈項斯

楊敬之 一廿

幾度見詩詩總好
及觀標格過於詩
平生之解藏人善
到處相逢說項斯

過崔處士林亭

裴迪 一首

喬柯門裏自成陰
散髮窻中曾不簪
逍遙且喜從吾事
榮寵從來非我心

酬王摩詰過林亭

崔興宗 一首

窮巷空林常閉關
悠悠獨臥與前山
今朝忽枉嵇生駕
倒屣開門遙解顏

朝退望終南山

李拯 一首

紫宸朝罷綴鴛鸞
丹鳳樓前駐馬看
唯有終南山色在
清明依舊滿長安

長門怨

劉駕 一首

御泉長繞鳳凰樓
只是恩波別處流
閒揲舞衣歸未得
夜來砧杵六宮秋

題畫山水

楊汝士 一首

太華峰前是故鄉
路人遙指讀書堂
如今老大騎官馬
羞向關西道姓楊

元夕

前有二首

崔液 四首

今年春色勝常年
此夜風光最可憐
鵲樓前新月望
鳳凰臺上寶燈燃

金勒銀鞍控紫騮
玉輪朱幘駕青牛
驂驪始似東城曲
倏忽還來南陌頭

公子王孫意氣驕不論相識也相邀最憐長袖風前
弱更賞新絃暗裏調

星移漢轉月將微露灑煙飄燈漸稀猶惜燈傍歌舞
處踟躕相顧不能歸

詠南嶽徑松

狄煥一首

一陣雨聲歸嶽嶠兩條寒色下瀟湘客吟晚景停孤
棹僧踏清陰徹上方

題鄜州相思鋪

令狐挺一首

誰把相思號此河塞垣車馬往來多只應自古征人
淚灑向空川作逝波

婢僕詩二首

李昌符二首

春娘愛上酒家樓不怕歸遲總不憂推道那家娘子
臥且留教住要梳頭

不論秋菊與春花箇箇能噎空腹茶無事莫教頻入
庫一名閒物要些些

謁華州李相不遇

平曾一首

老夫三日門前立珠箔銀屏晝不開詩卷却拋書袋
裏匹如閒看華山來

江西謁所知不遇

劉魯風一首

萬卷書生劉魯風煙波千里謁文翁無錢乞與韓知

客名紙毛生不為通

不居紙卷五十一

三

萬首唐人絕句卷第五十一



